

鄆縣志卷七

知縣事中江林愈蕃纂修

食貨志上

衡郡七邑唯鄆為最瘠蓋地處萬山絕少沃土田俱魚鱗小坵邇來豫章閩粵諸氓戮力墾闢每於斗壁作田有自十餘里引泉而資灌溉者厥食維艱奚貨足云然剪棘叢而藝黍稷鋤石罅而植茶桐所藉以上供唯正波及俯仰者未嘗不即在此求民莫者忍作催科巧吏置撫字於漠不關心哉

物產

鄆縣志

卷之七

食貨志

物產

一

穀之屬

秔

稻

糯

粟

包粟

山民生恃此

蕎麥

脂麻

白有三黃黑種

黃豆

菘豆

黑豆

茶豆

飯豆

扁豆

刀豆

薏苡

甚少

按稻有數種最早者熟於夏杪秋初次熟於七月中又次熟於八月中最遲者熟於九月中然亦因地而異如附郭平曠之鄉向陽水煖同種齊穫山谷背陽水冷雖同種而收遲此土宜之大略也

附雜糧

薯民有紅白二種貧芋民有亦以旱二種貧蕨野民生山中
代作穀粉食用

蕃按鄴土瘠民貧山氓多於山坡礲确從古耕犁不到之區極力墾窆種包粟或薯與芋爲給朝夕計其或不足則掘蕨以繼之有終歲未得飽一飯者吏苟但急催科罔聞撫字哀我人斯其何能穀附論於此庶後此者有所攷得以惜物力而重民天焉

蔬之屬

芥

蘿蔔即菜菔

莧紅白二種

茄

蕘

鄴縣志

卷之七

食貨志 物產 二

韭

蒜

葱另有四季葱

胡蘿蔔

藟

菠菜

苘蒿

薑

苦蕒

芸薹即油菜油

冬菟

白菜

芹

蒿苳

蕘菜蔓生黃汁可解

藤毒

苦菜

藤菟

觀音菟

恭菜甜音

馬齒菟

瓜之屬

東瓜

南瓜

西瓜

苦瓜

匏瓜

王瓜

土名黃瓜

葫蘆瓜

絲瓜

山王瓜

形短而肥八月猶有

笋之屬

大笋

小笋

冬笋

禾笋

果之屬

栗 有板栗尖

棗

梅

杏

桃

李

柿

梨

橘

柚

橙

柑

葡萄

枇杷

銀杏

石榴

楊梅

菱

慈菰

竹之屬

南竹

黃竹

紫竹

水竹

鳳竹

實竹 甚笋佳味

猫竹

箭竹

苦竹

慈竹

烟竹

木之屬

鄞縣志

卷之七

食貨志

物產

三

松

栢

杉

楓

棟

株

椿

楊

柳

槐

柘

棕

榲

桑

櫟 小者為榲

柞

冬青 土名臘樹可放小虫成臘

皂角

梧桐

樟

茶

檀

藥之屬

香附子

五加皮

益母草

土茯苓

五倍子

獨脚蓮

忍冬花

威靈僊

粉甘葛

牛蒡子

葦麻子

雞頭子

地黃

梔子仁

石菖蒲

木通

車前

苦參

茶芎

皂角

獨活 紫蘇 薄荷 烏藥 香薷

升麻 商陸 藁本 茺莢 牽牛

扁蓄 青蒿 射干 石韋 山楂

夏枯草 何首烏產甚少 地膚子 側柏葉

白菊 芍藥 茴香 山椒 枳壳

花之屬

蘭有數種 海棠 牡丹 鷄冠 梔子

山茶 芙蓉 榴 桂 茉莉

棠棣 紫荊 薔薇 荼縻 玫瑰

剪春羅 洛陽錦 鳳僊 木槿 瑞香

鄆縣志

卷之七

食貨志 物產 四

玉簪 月季花 芍藥 菊有數種 矮桃

郁李 雪花 芭蕉 羅漢松 秋葵

水僊 杜鵑

卉之屬

萱草 龍牙 書帶 吉祥 蓼

芒 茅 萍

禽之屬

鴈 雉 燕 鵲 子規俗名陽鳥

鷹 鷓鴣 鴿 布穀即鳩 禾鷄

竹雞 白鷓 翠鳥 水鴨 白鷺

班鳩 鴉 蠟鳥 畫眉 麻雀

鷓鴣 鵲鴿 啄木 雞 鵝

鴨

獸之屬

牛 馬畜苦者乏甚牧少地 豕 羊

犬 猫 虎 豹 豺

麋 鹿 兔 狸

猴 獼少產甚 山牛 箭猪 野猪

土狽 熊

鱗之屬

鄆縣志

卷之七

食貨志 物產 五

鯉 鯖 鯁雖皮喉可斷者刀可傷口 鯽 鯽

鮫 鮎 鮠 羅浮都三他處無 出七

青絲 沙黃 黃尾 鰱 鱖

鱖 鮠草俗魚名

介之屬

龜 鼈 螺 蚌 蟹

穿山甲

蟲之屬

土蠶 蜜蜂 蟬 蝶 蚯蚓

蟋蟀 蜈蚣 蝙蝠 壁虎 蝎

蛇

馬蟻

蜘蛛

蜻蜓

蝦蟇

螢

貨之屬

麻

藍

蓆草

菸

落花生

茶油

棉花

石耳

產深山陡崖上取之甚艱有墜崖而斃者

茶

甚少

香蕈

先伐木於地徧開山斧口積歲久之無以大雪乃生今則山木漸次伐盡久無

蕈廠所產甚稀

木耳

煤

積貯

預備倉

在治東舊以木爲之計四閒約容穀二十石逐

歲以罰粟貯之遇荒出貸於民收息十分之二明末寇

鄆縣志

卷之七

食貨志

積貯

六

燬知縣樊廷相易以磚共六閒今皆廢

常平倉

在縣署左共三十二閒貯穀一萬二千五十一

石每年值青黃不接詳請存七糶三照依市價買補還

倉

社倉

城鄉共七所

城內鎮武里總倉一所原貯穀三百七十一石五斗五升

零三勺

一都河漠渡總倉一所原貯穀三百八十二石零三升四

合三勺五抄三撮五圭

三都大橋頭總倉一所原貯穀二百三十二石八斗八升
五合一勺

七都水日墟總倉一所原貯穀七百零九石七斗零六勺
五抄

七都中村墟總倉一所原貯穀二百七十六石一斗三升
九合二勺二抄

十一都沔渡總倉一所原貯穀五百九十六石四斗六升
二合九勺五抄

十一都下館總倉一所原貯穀五百三十六石二斗
以上其貯穀三千一百零四石九斗七升二合五勺七

鄆縣志

卷之七

食貨志

積貯

七

抄三撮五圭

又乾隆二十八九年鎮武里倉除耗共增息穀十石
零七斗四升河漢渡倉增息二十一石六斗九升四合
大橋頭倉增息十三石三斗二升九合六勺水口墟倉
增息三十一石三斗七升四合中村墟倉增息十石零
七斗二升八合沔渡倉增息三十七石六斗四升四合
下館倉增息二十三石六斗六升四合

以上兩年共增息一百四十九石一斗七升三合六
勺

連前原額現在共三千二百五十四石一斗四升六

合一勺七抄三撮五圭

蕃按湖南自乾隆二十三年社倉加一息穀三升給社長七升歸公變價除扣各本倉斗級工食外有餘解司不足赴司領補故每年社穀原額無增二十八年巡撫陳宏謀咨請停止變價於七升內撥一升加給社長連前共給四升凡盤量折耗看倉工食均在此內餘息六升歸倉作本每年出借亦不限定一半准動十分之六七俾息穀稍裕奉部覆准遵行在案本邑除二十八九年通增息穀連前原額開載於前外嗣後年年借還卽年年

增息逐漸加多荒歉有備允爲良法但社長最難得人其不肖者或借放雖多開報甚少息穀被侵每歲所增有限或遇民不需借之年任意挪吞積成虧空一遇歲荒茫無措手又或借放但及親故與勢力之家貧弱反不得與其得借者或多方措勒倍收其息甚至乘價高昂私售囤販交結倉書彌縫保甲詭開借放諸名扶同繳官而社穀早爲已果腹之需肥囊之具矣官恐其欺而事非因公到鄉勢難逐所親歷委查或不得人無論賄囑滋弊卽點檢稍疎亦與未查無異是稽查之說亦不

過苟具文書究無實際也予意欲杜弊竇須辦實心鄉民或因事到縣卽隨時諮訪其該鄉社長賢否社倉虛實以及斗斛果否均平借數果否實開息穀有無多取秕霉有無攙和逐一細詢參伍衆論察其不免侵欺者輕騎減從自備飯食親詣而盤量之其有虧者責令賠償其無虧者出印封對衆封記聽候給發印簿按時借放歸繳其間屬員尚存忠信親丁確係誠實者亦隨時酌委一查焉如此則社倉弊竇或亦十去六七矣雖然昔人稱有治人無治法又稱救荒不患無奇策患無真心司土者苟非開誠布公神明變化則赤子痾瘵壅於上聞張弛失宜不免膠柱之譏雖日取朱子社倉法而口誦之究何裨於民哉

鹽政

鄱邑例食粵鹽出自廣東韶州府仁化縣城口埠以鄱邑與桂東桂陽皆地近仁化也舟楫不通山徑險僻歷係縣民由城口肩挑回縣零賣並無商店亦無包數康熙四年粵院派引行鹽巡撫偏沅周召南題請豁免得照舊但食粵鹽不銷粵引 題請始末詳後

巡撫偏沅臣周召南爲鹽課確有定例混派實苦難堪謹據實詳明籲懇 題豁以甦民困事內稱據衡州府帶印同知張其策申據鄱縣知縣李朝事申稱衡屬惟鄱縣邊疆蕞爾地居萬山窩底自設縣以來食鹽無例實因地勢嵌崿舟車不能通濟惟係小販附近零星肩負以前民用所以歷無埠頭額無商稅在前代立制行鹽編稅未有不衡量地勢酌奪民情便民利國詳考以爲久遠之制者也忽康熙四年內陡奉粵院派引行鹽卑職查無舊例隨以地勢民情具文詳復又蒙海鹽道批令認引招商及鹽課提舉

司頻催不已動以考成檄下卑職備員末吏又何敢抗公令旋即備文申請巡撫部院暨布政司及本道竝本府去後俱未蒙批示以致仁化坐引七十九道九分推卸於鄱竊鄱殘破之後百姓寥寥創派之引實難銷發越省寫遠搬運維艱懇乞垂念殘鄱子遺俯賜渥恩轉詳本部院具 題超豁仁化引目仍歸仁化而飛害得免於殘疆矣緣由到府該卑職看得鄱縣認仁化之引七十九道九分而考成隨之伏念楚民食鹽粵商認銷引目此商民世代之成規連州以督銷不力卸其責於隣封稱謂旣食粵鹽卽應分

銷粵引則是從古鹽稅當照各處戶口一體同科又何必設引行鹽也故天下無不食鹽之處而有不銷引之地者猶之糧餉止問之編民里甲不問之買米而炊之家也區區殘疆正賦莫支流亾數告原非可以創舉之鹽政突焉重困者也以楚民食粵鹽卽思扳認粵稅而不知食鹽之民早已寓稅於買鹽之中販鹽之利歸於粵商銷鹽之責坐於楚屬恐非情理之平矣伏冀俯鑒下情轉請 題達超豁仍祈咨廣東撫院軫念山陬窮民照舊買食粵鹽粵商認引納稅訂正舊日章程則民困得蕪頂戴洪仁靡有涯際

矣等情到司轉申達院該臣看得湖南衡郴兩屬之臨武桂東十一州縣地連楚粵邊末在萬山溝坳之中糧不滿數千丁不滿數百民皆鵠面鳩形鶉衣百結窮苦顛連之狀鄭圖難繪蓋山墝地薄不通舟楫人蠻俗鄙與苗猺雜處僅存其控制之名而已終歲勤苦止有稻穀一種求售之難有一兩之銀糶穀至二十餘石以不通河道家家是穀無可變通民之能者以穀養豬計十越月出穀十餘石得五六十觔趕於一二百里變償二三錢還糧民豈不厭勞哉以爲不如是不足以貢賦其情亦可憐哉今粵東忽扳累

各縣認商分引聞者股栗寒心驚逃奔竄幾幾乎靡
有孑遺矣所以然者止因郴州等縣地近粵東樂昌
縣舊例卽以四州縣買食該縣西河埠頭商人鹽其
桂陽桂東酃縣地近粵東仁化縣舊例遂以三縣食
該縣城口埠頭商人鹽臨武藍山嘉禾地近粵東之
連州舊例遂以四州縣食該縣之新子埠頭商人鹽
在粵商分楚省十一州縣行鹽之利自有應納之稅
在十一州縣就食粵商興販之鹽自裕買鹽之稅是
食鹽之民已寓稅於買鹽之內而行鹽之商蚤已浮
稅於賣鹽之中兩得其便前人立法未嘗不善今粵

商見楚民食鹽不豐覓利不厚乃欲牽連有司扳引
認稅夫知縣豈可作分引辦稅之商乎勢必責之於
民民無貲本興販勢必家家報鹽商戶戶攢鹽本是
明開縣官以加派之弊而陰滋小民以朘削之苦違
例擾害遺禍難堪卽如有土者貢賦未聞買米者納
糧前此衡永寶三府已蹈此弊致地方重累荷蒙
皇恩准以淮商行鹽辦課民困得甦以比此不通舟楫之
數縣又不啻天淵豈又堪僉商報本乎伏乞
皇恩一視同仁將衡郴數邑之民免其僉商分引仍聽粵
商照常行鹽辦課而數縣窮簷止寓稅於食鹽之中

不特彌官吏作弊之端而且除小民加派之禍則數
姓窮民子子孫孫永戴

皇仁於不朽矣

臣

謹會同督臣張□□合詞具

題謹

題奉

旨戶部議奏部覆議得郴州等處之民既稱困苦已極仍
照舊例買食粵東之鹽粵商照舊運鹽以供楚民之
用嗣後銷引考成責之連韶二州等處之官再請
勅下該撫嚴飭郴桂等州縣印官查緝私販以疏粵鹽如
有奉行不力卽行指名 題叅可也康熙六年十一
月初十日 題十二日奉

鄱縣志

卷之七

食貨志

鹽政

十三

旨依議